



Broj: 01-16-12-2457- 11 /22
Banja Luka, 20. 01. 2023. godine

Na osnovu člana 7. stav 1. Zakona o sistemu indirektnog oporezivanja u Bosni i Hercegovini („Službeni glasnik BiH“, broj: 44/03, 52/04, 34/07, 4/08, 49/09, 32/13, 91/17), člana 25. Zakona o Upravi za indirektno oporezivanje BiH („Službeni glasnik BiH“ broj: 89/05), člana 64. stav (1) tačka a) i člana 70. stav (3) Zakona o javnim nabavkama („Službeni glasnik BiH“ broj: 39/14), Direktor Uprave za indirektno oporezivanje, d o n o s i

ODLUKU

o izboru najpovoljnijeg ponuđača u postupku nabavke za vršenje usluga ručnog pranja motornih vozila Središnjeg ureda i Regionalnog centra Banja Luka, na koje se primjenjuje poseban režim

I

Najpovoljnijom ponudom u postupku nabavke za vršenje usluga ručnog pranja motornih vozila Središnjeg ureda i Regionalnog centra Banja Luka, na koje se primjenjuje poseban režim, ocjenjuje se ponuda ponuđača **“GARI” ŽELJKO TRUBAJIĆ s.p. Banja Luka, Ulica Momčila Popovića 3, 78000 Banja Luka**, čija ukupna cijena ponude iznosi **12.000,00 KM bez PDV-a**.

II

Izabrani ponuđač **„GARI“ ŽELJKO TRUBAJIĆ s.p. Banja Luka, Ulica Momčila Popovića 3, 78000 Banja Luka**, dostavio je uz ponudu dokaze iz tačke 5.1.1. Poziva za preuzimanje ponuda kojim se dokazuje ispunjenost uslova iz člana 45. Zakona o javnim nabavkama, na način kako je to opisano Pozivom, te se isti oslobađa obaveze naknadne dostave navedenih dokaza.

III

Po okončanju roka za žalbu, ugovorni organ će sa izabranim ponuđačem zaključiti ugovor kojim će se regulisati međusobna prava i obaveze.

Obrazloženje

Odlukom direktora broj: 01-16-12-2457/22 od 17.11.2022.godine, odobreno je provođenje postupka nabavke za vršenje usluga ručnog pranja motornih vozila Središnjeg ureda i Regionalnog centra Banja Luka, na koje se primjenjuje poseban režim.

Procijenjena vrijednost nabavke iznosi 12.000,00 KM bez PDV-a.

Sredstva za predmetnu nabavku su osigurana u Budžetu/Finansijskom planu ugovornog organa na poziciji 613726.

Slijedom navedene Odluke, dana 29.11.2022.godine, izvršeno je objavljivanje Poziva za dostavljanje ponuda (TD), broj: 01-16-12-2457-1/22 od 23.11.2022.godine na web stranici Ugovornog organa, te su upućeni pozivi za dostavljanje ponuda za tri ponuđača.

Dana 15.12.2022.godine u 14,15 h, u prostorijama Uprave za indirektno oporezivanje, Banja Luka, Ulica Bana Lazarevića bb, Komisija je pristupila javnom otvaranju blagovremeno pristiglih ponuda.

U Zapisniku o otvaranju ponuda broj: 02-16-12-2457-8/22 od 15.12.2022.godine, Komisija je konstatovala da je blagovremeno dostavljena jedna ponuda, i to ponuda ponuđača:

- **“GARI” ŽELJKO TRUBAJIĆ s.p. Banja Luka, Ulica Momčila Popovića 3, 78000 Banja Luka,**

te da je isti u svojoj ponudi iskazao cijenu i druge potkriterijume u okviru kriterijuma ekonomski najpovoljnije ponude, kako slijedi:

Red. br.	Naziv ponuđača	Potkriterijum u sklopu kriterija ekonomski najpovoljnije ponude
1.	"GARI" ŽELJKO TRUBAJIĆ s.p. Banja Luka, Ulica Momčila Popovića 3, 78000 Banja Luka	Cijena ponude: 12.000,00 KM bez PDV-a 12.000,00 KM sa PDV-om Operativni trošak: 2.000 metara

Komisija je na zatvorenoj sjednici pristupila postupku preispitivanja dostavljene ponude u smislu kvalifikovanosti iste, shodno uslovima propisanim u Pozivu za dostavljanje ponuda za vršenje usluga ručnog pranja motornih vozila Središnjeg ureda i Regionalnog centra Banja Luka, na koje se primjenjuje poseban režim, broj: 01-16-12-2457-8/22 od 15.12.2022.godine, te je nakon izvršenog uvida u dostavljenu ponudu, utvrdila sljedeće:

- Ponuda ponuđača "GARI" ŽELJKO TRUBAJIĆ s.p. Banja Luka, Ulica Momčila Popovića 3, 78000 Banja Luka, ispunjava sve zahtjeve Ugovornog organa koji su definirani Pozivom za dostavljanje ponuda, te je ocijenjena kao formalno-pravno i tehnički prihvatljiva i može biti uzeta u razmatranje u daljem postupku vrednovanja.

Tačkom 4. Poziva za dostavljanje ponuda (TD) propisano je da je u skladu sa članom 64. Zakona o javnim nabavkama kriterijum za dodjelu ugovora ekonomski najpovoljnija ponuda, prema sljedećim podkriterijumima:

- Cijena (80%) i operativni troškovi (20% - iskazuju se kroz udaljenost, izraženo u metrima, u oba smjera).

Slijedom navedenog, Komisija je dala preporuku direktoru UIO da se u predmetnom postupku javne nabavke izvrši izbor najpovoljnijeg ponuđača, te da se najpovoljnijom ocijeni ponuda ponuđača "GARI" ŽELJKO TRUBAJIĆ s.p. Banja Luka, Ulica Momčila Popovića 3, 78000 Banja Luka, čija ukupna cijena ponude iznosi 12.000,00 KM bez PDV-a, te da se sa istim pristupi zaključenju ugovora.

Prihvatajući prijedlog Komisije, odlučeno je kao u dispozitivu ove odluke.

POUKA O PRAVNOM LJIEKU:

Ponuđač koji smatra da je Ugovorni organ u toku postupka izvršio povrede odredbi Zakona o javnim nabavkama ima pravo uložiti žalbu.

Žalba se izjavljuje Kancelariji za razmatranje žalbi putem Uprave za indirektno oporezivanje, ulica Bana Lazarevića bb Banja Luka, u pisanoj formi, u tri primjerka, u roku od 10 dana od dana prijema ove odluke.

Akt sačinila: Dženita Hafizović Kikić

Šef Grupe za javne nabavke: Aldin Sedić

Šef Odsjeka za administrativne poslove: Ervina Samardžić

Pomoćnik direktora Sektora za poslovne usluge: Dr. Elvir Muminović

DIREKTOR

Dr. Miro Džakula

Dostaviti:

1. 01,
2. 02/1x2,
3. arhiva.